

Protokolo de la 40a senatkunsido (34a post la oficialigo de AIS fare de la Konsilio de XII, 43a post la fakta eklaboro) okazinta dum la 84a Universala Kongreso de Esperanto, en la Internacia Kongrescentro (ICC) en Berlin (D) la 3an de auxgusto 1999 (mardo), 15:30 – 18:30.

0 Ĝeneralajoj (formalajoj, ĉeestrajto, tagordo)

La kunsidon partoprenis la senatanoj Fößmeier, Frank, Holdgrün, Kiselman, Lewoc, Minnaja, Quednau. La kunsido estis kvoruma. La senatanoj akceptis la antaŭe transdonitan tagordproponon de la prezidanto.

1 Ekzamen-ofico / EkO (Pennacchiotti, Minnaja)

La senato konstatis, ke post sukcesa finekzameniĝo de ADoc. Fuß dum la 20a SUS en Bydgoszcz bedaŭrinde ne estis surloke preparita la ekzamenatesto kaj -dokumento pri la akirita grado. Kol. Lewoc en sia kvalito de asistanto de la ekzamenofico pretigos la mankantajn dokumentojn por Dr. Fuß, kiuj estos transdoneblaj dum la venonta studsesio. Estonte la EkO provu transiri al komputila dokumentpreparado.

Por la 21a SUS ŝi informis, ke ĝis nun neniu laŭregulara kandidato anonciĝis. Por la 22a SUS jam estas antaŭvidebla kandidato por adapta adopto de habilita doktoriĝo en la morfoscienca sekcio. Ankaŭ en la jaro 2000 intencas ekzameniĝi (originala doktoriĝo en la filozofia sekcio) anoncinta sin al kol. Quednau interesiĝinto el Litovio. Ŝi estas jam informita pri la necesa antaŭa adapta adopto de sia magistra grado. La senditan leteron kol. Quednau transdonos laŭ indiko de la prezidanto al AProf. Angstl por enhava pritrakto de la kandidatiĝo.

Evidentiĝis, ke gekolegoj Lewoc kaj Quednau paralele kaj sendepende preparas liston de sukcesaj finekzamenitoj ĉe AIS. Post la finpretigo kaj la oficiala diskonigo de ĉiuj registrofolioj okazu publikigo en la interreto.

2 Financ-ofico / FinO (Wickström, Frank)

Kol. Frank emfazis malkontenton pri alveninta al AIS pere de li malgrandsuma pago por altigi la servobonhavan de la sendinto, kaj substrekis, ke tio estas tre malefika kaj AIS-interne temporaba pag-

proceduro; tamen en unuopaj kazoj ĝi momente ne estas pli bone mastrumebla.

La prezidanto rememorigis, ke AIS estas societano en Akademidomaro GmbH [societo kun limigita respondeco], kies ĉefa celo estas starigo de akademi-domoj, ĝis nun sensukcesa. La kapitalo de la societo intertempe senteble malgrandiĝis. La afergvidanto de Akademidomaro GmbH (kaj samtempe estrarano de AIS-Deutschland kaj gvidanto de la Subtena Sektoro de AIS) ASci. Piotrowski dr. intencas aĉeti kontraŭ la restanta kapitalo akciojn de alia firmao. Post mallonga diskuto venis propono — kaze ke starigo de akademi-domoj ne estas reale antaŭvidebla — vendi la akciojn de AIS (ekzemple al aliaj societanoj), se la kondiĉoj estas favoraj. Findecido pri tiu punkto estis prokrastita ĝis al la venonta senatkunsido.

La prezidanto informis la senaton pri peto veninta de la privata esplorinstituto pri kemio (ITC) el Bremen (D) fariĝi kolektiva subtena membro de AIS kaj celas akiri la rajton, sin nomi AIS-instituto. La gvidanto de ITC, s-ro S. Milnera, jam apartenas al ISK. La senato principe akceptis la peton rememorante, ke simile jam la instituto pri kibernetiko el Paderborn (D) estis dum kelkaj jaroj ankaŭ kolektiva membro de AIS kun la sama statuso.

Apogiĝante je tio la direktoro de la esplor-ofico kol. Minnaja kiel gvidanto de malgranda komisiono ellaboru regularon, laŭ kiu AIS akceptu tiajn membrojn. La reprezentantoj de la kemia instituto povu konatiĝi kun ĝi dum la venonta SUS.

Kol. Frank informis pri malmembriĝo el AIS de ges-oj Buß. La restinta sumo sur ilia servobonhavo laŭregulare restas ĉe AIS.

3 Honorad-ofico / HordO (Maitzen, NN)

Rilate la transdonon de la Premio Pirlot por la jaro 1998 okazis neniu decido. La senato kun bedaŭro konstatis, ke ne venis senpere aŭ pere de kol. Maitzen propono de inda kandidato.

4 Identec-ofico / IdeO (Frank, NN)

Kol. Frank akceptis proponon de gekol. Lewoc kaj Minnaja, ne ligi la malfermon de la venonta sesio en Rimini kun la administra parto. Decido pri maniero kaj okazigo de la formalaj oficialajoj dum estontaj SUSoj estas prokrastita.

5 Inform-ofico / InfO (Fößmeier, Maitzen)

Kol. Frank anoncis, ke de s-ro Hauptenthal venis peto ricevi informojn pri AIS. La prezidanto re-

spondu la leteron sciigante, ke ĉiuj esencaj informoj pri la akademio estas jam publike alirebaj en la interreto.

6 *Klerig-ofico / KleO (Quednau, Fößmeier)*

La dissendado de la broŝuro pri Eŭropo de kol. Frank okazu nur en la nomo de alia asocio aŭ de la aŭtoro.

Dum la Universala Kongreso de UEA en Berlin okazis AIS/IKU-sesio, laŭ la subskribita en 1997 kunlaborkontrakto inter AIS kaj UEA. La sesion konsistigis du kursoj kaj la prelegaro, kaj ĝi fariĝis — laŭ sinsekvo — la 11a germana kaj la 5a internacia AIS-studadsesio.

7 *Protokol-ofico / ProtO (Lewoc, Holdgrün)*

La senatanoj trarigardis la antaŭe dissenditan version de la 39a senatprotokolo el Bydgoszcz kaj akceptis ĝin kun kelkaj aktualigoj kaj ĝustigoj.

La senato ankaŭ akceptis la perrete de kol. Lewoc dissenditan horaron de la 21a SUS, same kiel — pro la subita aliĝo al la sesio de pluraj latinistoj — la proponon okazigi latinan simpozion. La kurso, kiun en ĝia kadro ofertas gekolegoj Barandowska-Frank kaj Maitzen, estu valida kiel krom-SUS-kurso.

Dum la 84a UK, al kiu aliĝis ĉ. 2700 personoj, la Senata Sekretario distribuis aliĝilojn kaj informfoliojn pri AIS kaj pri la komenciĝonta fine de aŭgusto ĉi-jare lasta SUS (en Rimini kaj San Marino).

La senato akceptis peton de docento d-ro Martin Bílek transdonitan al la senato pere de kol. Frank okazigi en Hradec Kralové (Ĉeĥio) la venontan (22an) SUS dum la pentekosta semajno de la jaro 2000.

Kol. Lewoc transdonis al la prezidanto kopiojn de la senatprotokoloj ekde la ekesto de la akademio ĝis al la senata deĵorperiodo 1996-1999. La protokolo de la 40a kaj la fina protokolversio de la 39a senatkursido estos distribuitaj, resp. liveritaj por publikigo en la 3a semajno de aŭgusto 1999.

8 *Prezidanta ofico / PrezO (Frank)*

La prezidanto informis la senaton, ke ISKano Viereck prof., kies adreso estas intertempe konata, plenumis ĉiujn kondiĉojn por esti alvokita kiel AProf. La senato kun la plejmulto de la voĉoj akceptis tiun rangoplialtigon proponitan de kol. Frank.

Rilate la alvokon de Dr. habil. Lechowski kiel PDoc. en la natursciencan sekcion okazis

revoĉdonigo (vd. 39an senatprotokolon). Kun du kontraŭvoĉoj el ses la siatempa alvokopropono de kol. Quednau estas akceptita.

La ripetitan proponon de kol. Frank alvoki ADoc. Dr. Polakova kiel AProf. pri etnografio kaj ADoc. Dr. Lobin kiel AProf. pri eŭrologio en la morfosciencan sekcion la senato, ankaŭ en sia rolo kiel taskplenumanto de la morfosciencia sekcio, akceptis kun la plejmulto de la voĉoj.

9 *Scienc-ofico / SciO (Minnaja, Holdgrün)*

Nenio pritraktita.

10 *Struktur-ofico / StukO (NN, Maitzen)*

Nenio pritraktita.

11 *Vicprezidanta ofico / VicO (Pennacchiatti)*

Nenio pritraktita.

12 *Diversaĵoj*

La venonta senatkursido okazos en Rimini (I) dum la 21a SUS lige al la 6a itala studadsesio. La preciza dato estos sciigita en la SUS-programo.

Protokolis: Joanna Lewoc, Horst S. Holdgrün
(protokol-ofico)

Je 13.08.1999